



Inatsisartuni ilaasortaq
Kristian Jerimiassen, Inuit Ataqatigiit

KNI A/S pillugu § 37 naapertorlugu apeqquteqaammut nr. 9-2022-mut akissut

Allakap ullua: 11-02-2022
Suliap normua: 2022-2642
Allagaatip ilisarnaataa: 19225159

Asasara Kristian Jerimiassen

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Inatsisartut Suleriaasianni § 37, imm. 1 naapertorlugu KNI pillugu Naalakkersuisunut apeqquteqaateqarputit. Apeqqutit uannit akisassanngorlugit innersuunneqarput.

1. Pilersuisup REMA-mut isumaqatingiissutaa qaqugu atorunnaassava??

Akissut:

KNI A/S-imiit akissuteqaat una pissarsiarineqarpoq:

”Isumaqatingiissut illuatungeriit aappaa sumiginnaasimangippat atorunnaarsinneqarsinnaanani 31/12 2025 tikillugu atuuttussanngorlugu isumaqatingiissutigineqarpoq”.

2. REMA-mut isumaqatingiissut sioqqutsisumik atorunnaarsisinnarlugu nutaamik isumaqatingiissusiortoqarsinnaava?

Akissut:

KNI A/S-imiit akissuteqaat una pissarsiarineqarpoq:

”Isumaqatingiissut 31/12 2025 tikillugu atorunnaarsinneqarsinnaanngilaq, taamaattumillu Pilersuisumut aningaasaqarnikkut kinguneqanngitsumik atorunnaarsinneqarsinnaanngilaq”.

3. REMA-miit pisiassaqalermat sooruna nioqqutisissat ajornerulernerinik kinguneqartoq?

Akissut:

KNI A/S-imiit akissuteqaat una pissarsiarineqarpoq:

”Nioqqutisat normuisa ikilinerat ilumoorpoq, tamannali ajornerulersitsinermik isumaqartariaqanngilaq. Qinigassat pigeriikkatta assigaat, kisiannili REMA1000-imut nuunnitsinnut atatillugu periusissiatut aalajangiupparput, qinigassat amerlassusiinik ikilisitsiniarluta. Tamatumani nioqqutissanik eqqortunik atugassiisinaanitta pitsaanerulernissaanik qulakkeeriniarluta,

minnerunngitsumillu Pilersuisumi kasiiliisarnerit ikilisinniarlugit taamaaliorpugut.”

4. Sooruna nioqqutissat akisunerulersut?

Akissut:

KNI A/S-imiit akissuteqaat una pissarsiarineqarpoq:

”REMA1000-imut isumaqatigiissuteqarneq tunngavigalugu akitsuisoqanngilaq – nioqqutissarpaaluimmi akikinnerulersimapput. Neqerooruteqartitsinitsinnut atatillugu akit annertuumik misissueqqissaarfigaagut, tassanilu tunngavigineqartut ilaattut REMA1000 pitsaanerpaatut inissisimavoq.”

5. Nioqqutissat akisunerulerneru ajornerulernerilu qanoq aaqqinneqassappat?

Akissut:

Apeqqut 3-mut akissut innersuussutigineqarpoq. KNI A/S-imiit akissuteqaat una pissarsiarineqarpoq:

”Nioqqutissanik ajornerulersitsisoqarsimaneranut isumaqataanngilagut – akerlianik REMA1000 pitsaasunik nioqqutissaatilittut akigissaartitsisutullu ilisimaneqarpoq. (<https://madogdrikke.rema1000.dk/sortiment/bedst-i-test>).

Akinut tunngatillugu nunarsuarmi niueruteqarnerup ineriartornera pissutigalugu ajoraluartumik akitsuinnginnissamut qulakkeerisinnaanngilagut. Akit ingerlaavartumik misissoqqissaartarpagut, tassanilu Pilersuisumi akigititaasut Brugsenip aamma Pisiffiup akigititaanut sanilliuttarpagut, taakkunanilu takutinneqarpoq, akigititagut tamatigut niuernerumut naleqquttuusartut. Kiffartuussinerumut isumaqatigiissut naapertorlugu ukiumoortumik akigititagut Inuussutissarsiornerumut Suliffeqarnermullu Naalackersuisoqarfimmumut nalunaarutigisarpagut. Taamaaliornitsigut Pilersuisumi akigititatta sullitatsinnut pisariaqanngitsumik ajoqutaasumik qaffaaginnartarnissarput qulakkeerniartarparput.”

2021-mi apriihimi oqartussaaffiit allannguuteqartinneqarnerisa kingunerisaanik KNI A/S Nunalerinermut, Imminut Pilersornerumut, Nukissiutinut Avatangiisinullu Naalackersuisoqarfimmumut nalunaaruteqartartussanngorpoq.

Inussiarnersumik inuulluaqqusillunga


Kalistat Lund